

### 今屆港姐面試特多混血兒

# 關禮傑女兒關楓馨參選

香港文匯報訊（記者 達里）《2021香港小姐競選》昨日舉行首輪面試，113位參賽者先後到電視城面試，今年特別多混血兒來參選。曾多次透露有意參選的關禮傑女兒關楓馨，今年終於拿出勇氣踏出第一步，現年26歲的她已完成碩士課程，並在疫情下創業開網店。她表示由朋友提名她參選，父母也知道她選港姐並給予最大支持。



● Carina Leung 外形清純甜美。

● 余詠童貌似馮盈盈與周嘉儀的混合體。

● 18歲的Jasmin精通5種語言。

● 外表壯健成熟的Kirsten報稱學生。

● 貌似外傭的Marina不諳廣東話。

● 27歲的Suki是中泰混血兒。

● 陳聖瑜貌似方媛。

昨早開始，113位參賽佳麗陸續乘專車入電視城，今年參賽者跟往年質素如常，高矮肥瘦一應俱全，從首次印象中以王嫻嫻、陳聖瑜和Carina Leung較突出，加上「星二代」關楓馨，相信四人晉身第二輪機會很大。關楓馨的爸爸是著名演員關禮傑，未知是否有爸爸教路，她面對傳媒都表現得體和有禮貌，加上她的碩士學歷符合港姐形象，相信被取錄入圍機會不小。問到關楓馨是否由父母提名，她笑道：「不是，是我的朋友提名，爸爸媽媽當然知道我來選。」外貌有點像方媛的陳聖瑜，表示曾任職時尚品牌，現在是自由媒體工作者，閒時有做兼職模特兒。王嫻嫻穿上黑色Deep V裙，笑容甜美，氣質與吳謹言相似，她表示由加拿大遠道回港接

受14日隔離後參選，現在修讀傳理系碩士課程。余詠童貌似馮盈盈與前新聞主播周嘉儀的混合體，她笑稱也有聽過別人說她像盈盈，但否認因此想步盈盈後塵要贏得港姐后冠。去年港姐由混血兒謝嘉怡贏得冠軍，今年自然吸引不少混血兒來參選，包括18歲中德混血兒Jasmin，27歲中泰混血兒Suki，22歲中、菲、西班牙混血兒Kirsten報名。Jasmin身高1.78米，擁有模特兒身材，更精通5種語言應對不同場合。學生Kirsten由哥哥陪同下到場，可惜她體形肥胖兼打扮太娘。24歲的Marina外形似外傭且不諳廣東話。而謝綺琪、Alice和黃小姐都樣子平庸，相信面試都是陪跑居多。

#### 暫定以宅度假式取景

今年港姐面試由曾志偉、樂易玲、何小慧、鍾子綸、陳惠英五人接見。樂小姐與小慧向傳媒表示今年收到489張申請表，已篩選出一班女仔來面試，樂小姐說：「今年女仔質素不錯，而且學歷又高，大部分都有大學資格，相信我們可以做一

次準決賽，預計會揀25至30位女仔入圍。」何小慧稱預計8月22日進行準決賽，9月5日舉行決賽，由於疫情關係不會出埠拍攝外景，也因為接種疫苗情況每人不同，也不會上郵輪取景，暫定考慮以酒店Staycation（宅度假）形式進行外景拍攝。提到今年較多混血兒報名，樂小姐表示海外佳麗有廿多名，其中有些已抵港完成隔離，也有人未啟程來港，會用視像先跟她們聯絡。至於關禮傑女兒關楓馨參選是否有特別優勢，樂小姐表示尚未見到對方真人，她也是從報道中得知消息。昨日見有面試者Marie的頸背位置有紋身，是否意味選港姐的門檻已放寬，樂小姐稱要視乎紋身大小和位置而定，最重要整體觀和合乎選美標準。



● 關楓馨昨日面對傳媒的對答表現得體。



● 關禮傑夫婦都好支持愛女參選。資料圖片

## 年初廁所求婚成功 洪永城將娶梁諾妍



● 洪永城與梁諾妍的婚照以簡約便服為主。

香港文匯報訊（記者 梁靜儀）一直被指是「有腳雀仔」的洪永城（Tony），與唐詩詠2017年分手後，於2018年底與模特兒兼健身教練女友梁諾妍（Inez）因跑步結緣，二人拍拖不久已展開同居生活，而去年底有傳Tony已向女友求婚，但他就否認，直至昨日終宣布婚訊。昨日Tony和Inez分別在社交平台上宣布喜訊，並分享結婚感受，Tony說：「由一齊跑步、到傾電話、睇日出、拍拖、不計劃的旅行、到扮劫逃避跑、通宵睇動漫、同居、到我們至愛Coco離世、到開工連晚安早晨都沒有機會同你講、到今日一齊攜手踏上我倆的新旅程，好在有你，緊握我手我希望一世都有你在身旁，追到你是我的僥倖，娶到你是我的福氣，Let's get Married！」

Inez說：「下半生手挽手，繼續一起跑下去，繼續跑到世界每個角落，感恩遇到你，常常帶給我歡樂，照顧我陪我通宵睇動漫睇網球比賽，工作上的互相扶持，願餘生我們也要一起笑過！我們結婚啦！」Inez又透露Tony的求婚過程，既搞笑又感人，她笑說：「佢嘅求婚過程係好好笑，好多蝦嘢發生，佢屋企個廁所度求婚，我覺得好好笑，不過好有佢嘅style，成個過程我係笑到喊，不過都好感動，有晚佢拍完野返屋企，就入廁所一陣出嚟，跟住到我有三急入廁所，佢又跟住我入廁所，當我打開廁所門，原來佢嘅廁所度布置咗一個攝錄機，又啱洗手盆度放咗啲微型燈泡，又有一束鮮花，鏡上又貼咗啲心形卡，仲寫上MARRY ME？我好笑又感動，我問佢點解要睇洗手間求婚？佢話知道我一定會去洗手間，最好笑係佢拎隻戒指出嚟求婚嘅時

候，我話我真係好急，你等一等我先去完廁所先，結果佢要等我辦完大事再求婚，我就Say Yes！」早前一對準新人秘密地影了一輯結婚照，由於他們均是熱愛運動之人，因此結婚照也甚具動感，衣着以簡約便服為主。翠如感激有人接收「大笨」近日正忙於拍攝有份監製的新劇《凶宅清潔師》的準新郎Tony，接受TVB娛樂新聞台訪問，他首先多謝大家的祝福，又透露年初已向女友求婚，覺得現在是合適時間公布。至於婚期，他表示會忙到7月，稍後有消息就會同大家公布。問到是否因渴望做爸爸，所以覺得是合適時候結婚？Tony亦不否認：「都有呢個方向嚟，如果可以做爸爸真係好開心，都係一件好美好嘢事，會努力。」黃翠如得悉好友Tony快將結婚，笑言終於等到這一天，並感激Inez接收他，她說：「Inez, you are the one, 感激你接收他，雖然他有太多缺點，又污糟又煩又大男人，脾氣又差，又有交代，好多詔法



● 洪永城受訪談起婚事就笑不攏嘴。

但好少實現，話減肥個腦永遠嘅度，每本書睇頭三頁就當睇咗……但係你唔要佢，冇人要佢了。記住，如果洪大笨蝦你，我一定幫你搞掂佢。祝福兩位我愛的人。」

## 誕二胎後首現身谷新劇 香香餵母乳日睡4小時

香港文匯報訊（記者 梁靜儀）岑麗香（香香）、陳自瑤、吳業坤、商天娥、龔慈恩、吳岱融及張頴康等，昨日到將軍澳電視廣播城出席劇集《寶實大過天》之「快樂小粽子」宣傳活動。未有出席的馬國明及李國麟分別以電話及短片分享感受，正身在內地工作的馬國明在電話中笑說：「因要搵奶粉錢，公司已召喚我返來宣傳。」四月底剛誕下二仔的香香，產後首度公開露面，以低胸緊身吊帶裙現身。她表示細仔已滿月，而當日未有即時公布細仔出世，因要時間冷靜一下。問到是否已完全收身？她說：「仍未完全收身，要着腰封，成個衣櫃只得一條仔褲褲着，健康最重要，我唔急於收身。」香香透露現時有餵母乳及奶粉，二仔食量亦算正常，她每天斷斷續續只睡三四個小時。她又大讚老公強強很幫得手，聽到BB有少少喊聲即走去開奶，而她亦很感恩有陪月幫手。香香又稱大仔都知道自己當哥哥，因有一次見他拿玩具給弟弟，令她覺得好感動。對於劇集在她產後推出，香香今次更是首次演媽媽角色，代表她生活有大改變，自己都期待。劇中她跟飾演其女兒

的小演員合作得很開心，又大讚對方拍攝時只有兩三歲，但已很叻。香香指去年拍攝時大仔還未上學，未能體會做媽媽送兒子返學的心情，由不捨到兒子頭也不回走入學校，想喊又想笑的心情，直到近月送兒子上學，終於體會到劇中媽媽複雜的情緒，如果遲一年才拍這部劇，她相信會更得心應手。問到會否再追個女？香香不排除說：「搞掂佢個先，順其自然啦。」陳自瑤幾近素顏演人母陳自瑤（YoYo）於劇中跟張頴康演一對年輕夫婦，二人育有兩名兒子，她更是全職媽媽，角色有很大挑戰：「今次媽媽角色有好多內心戲同情緒崩潰戲，因為自小我嘅一個唔健全嘅家庭成長，心靈受到創傷，導致長大後教仔時出現好多問題，加上婆媳糾紛，令到情緒崩潰。」為了飾演全職媽媽，YoYo更刻意不梳頭及近乎素顏出鏡。YoYo又透露下個月將會參與一套時裝劇演出，睇劇本知道角色跟以往的很不同，雖不是女一，但相當有發揮。問到是否因為有阿姐（汪明荃）「加持」後多了演出機會？YoYo表示無論如何都會多謝阿姐。

吳業坤（坤哥）繼《殺手》後，相隔多時再有劇集播出，他表示這次的角色很突破：「唔再係斯文更更，而係一個個麻煩嘅馬國明細佬，同黃文意又唔小心有咗BB，係一個唔稱職嘅爸爸，吊兒郎當，都幾適合我，係自己嘅另一面，但之後由唔識照顧小朋友變得愛小朋友，成為有擔待嘅人，同我人生一樣。」張頴康與陳自瑤演夫婦。香香自言未完全收身。



香港文匯報訊（記者 阿祖）余文樂日前從台灣回港，雖然被拍到曾參加超過百人的「無罩」派對，以及在另一個派對上跟一名女子「咬耳仔」。余文樂懶理負面新聞，於社交平台分享了回港的生活日誌，他第一時間一家人吃飯聚會，此外又探望導演劉偉強及其太太，他亦趁好天氣坐遊艇出海。余文樂留言：「當初我在想自己的工作20年來都是到處飛，在哪一個城市生活對我來說已經沒有所謂，但為了太太比較有安全感，可以專心照顧小朋友，所以決定在台灣生活，就算自己出外工作也不用太擔心。」但沒想過因為疫情，打亂了他的生活節奏：「我已經有一年多沒有回香港了，一年多沒見過我的家人和好朋友，感謝這次機會，可以讓我們再團聚在一起，現在心（情）其實很矛盾，我想家人朋友，但也很想我的老婆小孩。只希望疫情可以盡快結束，讓大家回到正常。這兩年真的不容易，我相信所有都不容易，但往好的方面想，也讓我更珍惜和家人、朋友相處的時間。」余文樂最後分享了跟太太王棠云及兒子一起的視像截圖，他留言：「我愛你們！」王棠云也回他：「我們都愛你！」給予丈夫無限的支持！



● 余文樂只能靠視像了解妻兒狀況。

回港跟妻子兒女分開 余文樂嘆心情矛盾